

Oqaasiliortut ataatsimiinnerat

Marlunngorneq, martsip 3-anni 2015, nal. 10.00

Oqaasileriffimmi

Peqataasut: *Carl Chr. Olsen, Stephen Heilmann, Eva Møller Thomassen*

Peqquteqarluni peqataasinnaanani nalunaartoq: *Karl Møller*

Erninermut atatillugu sulinngiffeqartoq: *Katti Frederiksen*

Allatsi: *Judithe Denbæk*

Oqaluuserisassat:

- 1) Siulittaasoq tikilluaqqusivoq, Oqaasiliortunut ilaasortassat nutaat suli toqqarneqarsimannngitsut ilisimatitsissutigaa. Issittormiut oqaasii pillugit ataatsimiissimanini ilisimatitsissutigaa, Ottawami (From Assessment to Vitality. Arctic Indigenous Languages Assessment Symposium), Iqalunnilu (Inuugatta Language Conference), kingornalu Chicagomi kalaallisuumiit tuluttuumut ordbogissaq pillugu suleqatigisat ataatsimiigiaqatigisimallugit. Alaskami allattaasitaassaq eqqartorneqarsimavoq, Canadamilu Inuit tamarmik atugassaannik allattaaseqalernissaq suliniutigineqartoq juunimilu tamanna pillugu aalajangiisoqarnissaa tunaartaralugu ataatsimiittoqaqqissasoq ilisimatitsissutigalugu.
- 2) Ataatsimiinnermi kingullermit imaqarniliaq taamaatsillugu akuerineqarpoq.
- 3) Saaffiginnissutit Oqaasiliortunukartut
 - a) Tupanik nioqqutissat nalunaaqutserneqartarneri pillugit Namminersorlutik Oqartussat nalunaarutissaannut nr. xx xx. 2015-imeersumut siunnersuut pillugu tusarniaanermut akissuteqaasiortoqarpoq, nalunaarutip imarisarpiaanut

attuumassuteqanngikkaluartumik, oqaasertaanulli oqaaseqatigiinnullu naqqiutissatut siunnersuutinik imalimmik.

Inatsisinut tunngatillugu paatsuunganartoqannginnissaa siunertarinerullugu oqaatsinik atuinernik naqqissuineq pivoq, naqqiissutit ilaat makkuupput:

- “Isumannaarineq” isumaqarneruvoq “taamaattoqassanngilaq”, taamaammat naqqinneqarpoq imak “qularnaarineq”
- Kiisalu taakkartuinermi kingullertut taasamut tunnganerummat taarserneqassasoq uuminnga: “aamma”
- Tupanik nioqqutissat taarserneqarpoq: tupanik nioqqusiat
- Tobaksvarepakker nutserneqarsimavoq: poortukkat tupanit nioqqutissianik imaqartut, “poortukkat” taarserneqarpoq: “poortat”
- Emballage nutserneqarsimalluni poorisaq, taarserneqarpoq: “poortaq taanna”

Naqqiinerit allat bilagimi takuneqarsinnaapput.

Carl Chr.Olsen
Oqaasiliortunut Siulittaasoq

Judithe Denbæk
Oqaasiliortunut allatsi